

北京市档案馆编



# 那桐日记

一八九〇年 — 一九二五年

(下册)

新华出版社

北京市档案馆 编

# 那桐

(一八九〇—一九二五)

## 日记

下



新华出版社

## 目 录 (下册)

### 那桐日记

一九〇六年——一九一二年

光绪三十二年 (1906 年) / 561

光绪三十三年 (1907 年) / 591

光绪三十四年 (1908 年) / 622

宣统元年 (1909 年) / 632

宣统二年 (1910 年) / 650

宣统三年 (1911 年) / 679

中华民国元年 (1912 年) / 709

### 那桐日记 (口述)

一九一二年——一九二五年

中华民国元年 (1912 年) 7 月 12 日

即壬子年五月二十八日起 / 723

- 中华民国二年（1913年） / 736  
中华民国三年（1914年） / 764  
中华民国四年（1915年） / 788  
中华民国五年（1916年） / 814  
中华民国六年（1917年） / 838  
中华民国七年（1918年） / 863  
中华民国八年（1919年） / 887  
中华民国九年（1920年） / 912  
中华民国十年（1921年） / 942  
中华民国十一年（1922年） / 972  
中华民国十二年（1923年） / 1005  
中华民国十三年（1924年） / 1039  
中华民国十四年（1925年） / 1064

## 附 录

那桐亲书履历本 / 1079

那桐奏折存稿 光绪二十七年（1901年）四月

——光绪三十一年（1905年）十二月 / 1084

光緒三十二年（1906年） 岁次丙午

余年五十岁 官体仁阁大学士、

外务部会办大臣、国史馆总裁、

财政处大臣、步军统领

### 【正月】

初一日 子刻接神，阖家道大喜。卯正到堂子，皇上行礼侍班。辰正二刻皇极殿皇太后受贺行礼。巳初二刻皇上升太和殿受贺，桐与孙相国展表。午初皇上诣太高殿、寿皇殿行礼站班，午正归。天地桌、佛堂、两祠上供行礼。未刻进署。酉刻拜客数家归。

初二日 早祭神毕，东北城拜客，因雪申正归。

初三日 卯刻诣北上门，皇上诣寿皇殿行礼侍班。午后东城拜客。申刻进署，酉刻归。

初四日 午后东城拜客，酉刻归。

初五日 早到东城拜客。午刻进署，各国公使来贺年，各部院堂官均到，林主教、赫总税务司亦到，酉刻归。清河道李少卿来拜，稍谈即去。

初六日 午后西城拜客，酉刻归。夜大雪。

初七日 午后进【署】，酉刻归。

初八日 早到太庙，皇上孟春时享站班，辰正归。午刻西城拜客。申刻进署，酉正归。

初九日 早进内，各国公使在乾清宫觐见，巳正礼成。未刻进署。拜客数家，酉刻归。锦州人张知县因川岛介绍来见，号瀛洲，名步云。

初十日 早进内，外务部奏事。未刻进署，酉刻归。答拜袁官保世兄〔之子〕名克定，号云台，行二。

十一日 上赏福方四张、各色绢四十张、湖笔二匣二十只，此



立春前一日例赏大学士者。午后谒庆邸，拜年十余家，进署，酉刻归。

十二日 早进内，谢赏春纸恩，不具折，常服在乾清宫磕头两起。未刻到山本照相。申刻进署，酉刻归。

十三日 卯刻到正阳门，皇上诣祈谷坛行礼站班，巳正后归。申刻进署，酉刻归。上赏元宵一盒。

十四日 早到北上门，皇上诣寿皇殿行礼站班。午刻赴伦贝子之约，同游公义洋行。申正进署。晚同奎乐老、恩八大人、伦贝子在源丰堂之约，亥刻归。

十五日 卯刻到北上门，皇上诣大高殿、寿皇殿行礼站班，到乾清宫谢赏元宵恩，保和殿筵宴，桐东边第一，因站班未入座。巳正在西苑门站班，皇太后、皇上还西苑站班。桐进奉饽饽果子八大盒。未刻随母亲偕内子、二女、宝儿、五女到山本照相，游齐罗福、公义洋行、德昌洋行，酉正归。

十六日 早赴张、陆、陆三南书房之约<sup>①</sup>。午刻进署。晚赴英萨使之约，亥刻归。

十七日 辰刻进内，带赫德、林懋德觐见。午刻在紫光阁入廷臣宴，桐在东边第二坐，未初散。蒙赏三镶玉如意一柄，天青描金皮球玉堂春瓶一件，金珀朝珠一盘，刻丝酱色蟒袍料一件，天青二则，大寿江绸褂一联，驼色大卷五丝缎一匹。申刻伦贝子、奎乐、翁尚书、恩艺堂中丞公请，送票戏一天，丑刻散。

十八日 午刻到敬中堂、启省三处出喜分，唐少川处道升任侍郎之喜。申初到署。晚赴姜汉卿之约，戌正归。

十九日 辰刻到财政处开印。午刻在家，提署开印。申刻进署，酉刻归。

二十日 早赴西苑门，外部值日，提署奏事，巳初归。申初到

<sup>①</sup> 《道咸以来朝野杂记》：“前清南书房翰林供奉无定员，亦无品级限制……光緒庚子后有一度至多，有徐郟、陆润庠、陆宝忠、张伯熙、徐琪、张亨嘉、朱益藩、吴士鑑、陈伯陶、郑沅、袁励准，计十一人。”此处指张伯熙、陆润庠、陆宝忠。

英国医院行开学礼，桐奉皇太后旨前往观视，居中演说。酉初进署，酉正归。

二十一日 未刻进署，酉刻归。晚锡介庵约源丰堂，亥正归。

二十二日 未刻进署，酉刻归。

二十三日 未初进署，荷欧署使、义巴使来晤，酉正归。

二十四日 未刻进署，酉刻归。在家请客四十余人，看花盆，子初散。今日京察大典<sup>①</sup>，奉旨照旧供职。

廿五日 午刻进署。未刻同子玖、春卿、少川看宝源局地基，拜客。晚赴林、傅、景、钟、钟、奎源丰堂之约，亥刻归。

廿六日 早赴西苑，内阁领銜具奏照旧供职谢恩，在勤政殿碰头，常服。未刻到瞿中堂处到〔道〕协办之喜。申初进署。晚赴端贵之约，亥刻散。

廿七日 巳刻到吏部，京察会同过堂，公服。午初入座，未正三刻归。到外务部访世中堂谈。晚赴毓老九源丰堂之约，亥刻归。

廿八日 午刻到吏部，京察过堂，午正入坐，申初散。申正进署，酉正归。

廿九日 午刻拜客五家。申初进署，酉刻归。

## 二月

初一日 早到西苑，外部值日，提署奏事，巳正归。今日派出吃肉，因撤下故未进内。未初赴瞿中堂之约。申初进署。晚恩中丞、伦贝子、瑞鹤庄来谈，留饮，亥刻散。

<sup>①</sup> 京察大典三年举行一次，凡届子午卯酉之年正月二十日后，即开印之次日，考功司即封门察核计典人员之资俸合例与否，凡本司人员皆食宿于内，外人概不许入，经五日，始开门，准出入。封开门皆有京畿道、御史二人监察之。次日即各部院一二等人员到吏部大过堂之日也，一日不能毕事，故分为二日。头天一等人员完全检到，二等验至礼部为止，次由兵部二等人员起直至九卿衙门为止。过堂日吏部于大堂正中设大学士公座，二左设都察院堂官及京畿道御史公座，右边公座则吏部各堂官陪座也。是日吏部自大门、仪门及大堂皆结彩，后门亦然。吏部有后门，他部无之。堂陛之间以朱栏围绕，左右设高凳，二书吏立于上，为唱名也。过堂人员由书吏唱名后自左门入，经三方公座前行走一遍，由右门出。书吏随唱“应留”二字，即照旧供职之谓。



初二日 未刻进署，德穆使、法吕使来晤。晚赴伦贝子之约，亥刻归。自本月起每月助六叔父月费四十两。

初三日 早到西苑，内阁奏事。未刻进署。晚赴正金银行之约，亥正归。

初四日 早进内，财政处奏事。未刻进署。晚赴户友六人之约，亥刻归。今日在合盛元浮借京足银一千三百八十一两六钱（廿二日如数还清），为国民捐事也。今日捐国民捐库平足银六千两，交张伯讷交户部银行收讫，收有回据一纸。

初五日 午刻赴德馆贺德皇银婚之喜。饭后进署。晚赴李伟侯之约，亥刻归。

初六日 午刻进署。晚到诚玉如处听清音，子初归。

初七日 未刻进署，酉正归。

初八日 早西南城拜客，到恩艺堂处早饭。未刻进署。晚赴岳英、寿庚源丰堂之约，亥刻归。

初九日 午刻赴文庙演礼。未刻进署，酉刻归。今日内阁奏事，注差。

初十日 卯刻诣文庙致祭，卯正行礼，辰初礼成。未刻进署，穆使来晤，酉正归。

十一日 早进内，外务部值日。未刻进署。晚赴世中堂六国饭店之约，亥正归。

十二日 早进内，外务部奏事。午后拜客，后进署。晚在家请松鹤龄、徐菊人、铁宝臣、瑞玉如、世博轩中堂，亥刻散。

十三日 先赠光禄公忌辰，祠堂上供行礼。本日吉林将军达桂<sup>①</sup>奉据吉林绅民呈称：前将军铭功德在民恳请代奏一折。奉朱批：铭著准其开复降调处分。钦此。未刻进署。晚赴俄璞使之约，亥刻归。

十四日 午刻拜客。未刻进署。申刻拜客。晚赴商部唐、顾、

<sup>①</sup> 达桂，崔氏，字馨山，汉正黄旗。光绪二十八年盛京副都统，黑龙江副都统，光绪三十年吉林副都统，署吉林将军。



绍、熙宗显堂之约，亥正归。

十五日 未刻进署，英萨使来晤，酉正散。晚赴外务部陈、雷、邹、朱、曾之约，子初归。

十六日 午后进署。晚到伦贝子府，十人公请恩艺堂中丞，亥刻归。

十七日 午刻到西城拜客。未刻进署，德穆使来晤，酉正归。

十八日 未刻进署，吕法使来晤，酉刻归。

十九日 午刻赴庆邸公请各国公使之约，未正散。申刻进署，酉正归。

二十日 未刻进署，酉刻归。继旭生、闫先生来，留饮。

二十一日 外务部值日，提署奏事。早到西苑门，六太爷专折谢开复降调处分恩，奉旨：知道了。钦此。未刻进署，酉刻归。

二十二日 未刻进署，庆邸到署同晤俄璞使，酉刻归。晚同世中堂公请德穆使、葛参议、夏礼辅、郝爱礼、英嘉乃绩、甘伯乐、梅尔思、毓月华、赵智庵，亥刻散，今日还清合盛元暂借款一千三百八十一两六钱，面交郝耀廷矣。

二十三日 午刻赴世、继、增、庄、奎五人之约。未刻进署。晚赴商部毛、胡、陆、祝、潘五人之约，亥刻归。

二十四日 早到西苑，财政处奏事。已初到提署拣选官缺。申刻进署。酉刻赴继五爷源丰堂之约，亥刻归。

廿五日 午后访铁宝臣不遇。未刻进署。晚赴唐少川之约，亥刻归。

廿六日 早进内，外务部带引见。未刻进署，酉刻归。

廿七日 早春分两祠上供行礼。孙、荣两相、张长沙尚书借地请德、英、日、法四国，主客共十四人。申刻进署，酉正归。

廿八日 巳刻带德国提督佩思彻觐见，男女廿七人，已正礼成。天寒大雪，将午刻各国女眷觐见改于初四日矣。未刻进署，酉刻归。晚约伦贝子、联、唐两侍郎、陈宗丞、孙京卿四丞参便酌，亥刻散。

廿九日 未刻到庆邸处拜寿看戏，亥刻归。



三十日 早沈葆澄来拜门，高云峰介绍也，号梅生，浙江海盐县人，年三十二岁，花翎北河候补同知。沈道守谦退庵之子，沈守守廉清斋之侄，人明白有用，寓天津针市街西口，桐发祥货栈内。未初进署。晚赴庆邸之约看戏，子正归。

### 三月

初一日 早到西苑，外务部值日。未刻进署，酉刻归。

初二日 午刻巡警部约六国饭店。申初进署，义巴使来晤，酉刻归。

初三日 早到北城拜客，出分。未刻进署，酉刻归。

初四日 早到西苑门，德公使带领各国女眷共三十一人在春耦斋早饭。申初进署，酉刻归。

初五日 同子玖、少川、春卿公请各国使臣，主客共三十五人，申初散。申正进署，酉刻归。

初六日 早洪翰香来信介绍安徽试用知府沈守定来拜门，号少维，行二，江苏江阴县人，前福建藩台沈葆靖之子，年四十五岁，人精明稳练，有用才也。申初进署，奥使顾亲斯基来晤。酉初到振贝子处拜寿，听戏，子初归。

初七日 早进西苑，提署奏事，带引见。巳正到文李十一太太、景三大人处拜寿，奎少甫处出分。午初到德馆送皇太后赐穆默画一轴。申初进署，晤德使，酉刻归。

初八日 早到西南城拜客。午刻进署。晚赴伟侯之约，亥初归。

初九日 内阁、外务部奏事。申初进署，酉刻归。同铁宝臣公请英萨使等七人，朱子文，亥正散。

初十日 早西苑门站班，皇上还宫行礼，辰正归。未刻进署。晚赴俄璞使之约，亥刻归。

十一日 外务部值日，注感冒。辰刻随母亲偕内子、子女诣东坝先莹行展墓礼，酉初归。

十二日 早进内，奥顾使觐见，巳正礼成。午初到孙中堂处，

八旬賜壽。未刻進署。酉刻到貴四嬪處探喪，四嬪今日子刻逝世矣。

十三日 早到西苑門，皇上詣奉先壽皇殿行禮站班。申刻答拜奧顧使。申正進署，會晤俄璞使、德穆使，酉刻歸。

十四日 早進內，財政處奏事。巳刻到瑞玉如處道喜，肅王送行。未刻進署，義巴使、諾統領來晤。早間日參贊來晤。晚到貴四嬪處送三，亥刻歸。

十五日 未刻進署，呂法使來晤，酉刻散歸。

十六日 早進西苑，義巴使夫婦、訥提督夫婦覲見，巳正禮成。未刻進署，英薩使會晤。晚赴鹿滋老、奎樂老之約，亥刻歸。

十七日 早進內，提署奏事，國史館進書。巳刻赴毓月華賞梅之約。未刻進署，申刻歸。

十八日 未刻進署，美柔使、義巴使、阿部參贊來晤，酉刻歸。

十九日 叔父七旬晉九壽辰，由齋戒改於明日舉辦。未刻進署，法呂使、德穆使來晤。晚到奎樂老處拜壽，亥正歸。

廿日 桐恭與叔父慶七旬晉九壽辰，唱玉成班戲一天，天氣甚和，來客甚多，夜丑初散。

廿一日 外務部值日，注感冒。未刻進署。酉刻到報房胡同送聖歸。

廿二日 早到報房胡同送殯。午刻端參贊來，又察哈爾協領額勒渾之子寶石來拜，候補驍騎校，額號容龕，察哈爾正白旗人，年五十二歲，仲路介紹來拜門。未刻進署，酉刻歸。

廿三日 早到西苑門，皇上還宮行禮站班。巳刻謁齋師。申初謁慶邸，談公事。申正進署，戌刻歸。

廿四日 未刻進署。晚赴朱子文之約，子初歸。

廿五日 早到西苑，德穆使在勤政殿覲見，辭行。午刻到臥車公司倫貝子之約。申刻進署。晚赴瑞鶴庄昆玉之約，亥刻歸。

廿六日 未刻進署。晚赴左子異同年之約，亥刻歸。

廿七日 早進內，法呂使在乾清宮覲見，呈遞國書。巳刻赴內



阁看版。未刻进署。晚赴荣虞臣之约，亥刻归。

廿八日 早李本森来拜门，李号松云，湖南衡州人，江苏补用道，年三十六岁，人朴诚明白，将门子也，为潘在衡介绍。又山东候补直隶州前云南邓州知州陶垞来拜门，号文泉，行三，年三十一岁，人精明通达，大有用才，陶兰泉之胞弟也。未刻进署。晚在家与法吕使送行，亥刻散。

廿九日 未刻进署，德穆使来辞行，酉刻归。

三十日 早进内，皇上看版站班。未刻进署，酉正归。亥初到京汉车站与德穆使送行，亥正归。

#### 四月

初一日 早到西苑，皇上祭太庙站班。外务部值日，巳正归。申初进署。晚赴伦贝子之约，亥正归。今日辰初亮果厂大姑奶奶生第二女，大小人均平安。

初二日 巳刻赴庚午世兄弟源丰堂之约。未刻进署，美柔使来晤。晚赴李侯之约，亥刻归。

初三日 早进西苑门，日本内田夫妇觐见辞行，送圣容。申刻复命。未刻进署。晚赴正金银行之约，亥正归。

初四日 早进内，财政处、国史馆奏事。未刻进署，酉刻归。

初五日 早进西苑，法吕使在勤政殿陛辞。午初赴吕使之约。申刻进署。晚赴胡大人、李侯爷之约，子初归。

初六日 早河多来辞行。未刻唐少川约卧车公司便饭，南城拜客，西城张尚书处拜寿，戌刻归。

初七日 未刻进署。酉刻在家与日使内田钱行，在坐有伦贝子、伊东、祝六、阿部共八人，亥刻散。

初八日 上赏绿豆一盘。未刻赴世中堂之约。申刻进署。酉刻答拜文卓云，戌正归。

初九日 卯初到西车站与法吕使送行，内阁提署奏事，勤政殿谢赏绿豆恩。午初赴内田之约。未刻进署。晚在家约文卓峰便饭，亥初散。

初十日 辰刻进署，西苑带英萨使陛辞，德提督布电星觐见。未刻进署，英萨使辞行，酉刻归。

十一日 卯刻到西车站与英萨使【送行】。辰刻进内，外部值日，国史馆奏事。未刻进署。晚赴李侯约，亥正归。

十二日 早到西站班，与云楣、少川、汉卿约世中堂、继子受、增寿臣、联春卿、李伟侯看洋人赛马，在白云观早饭，乘火车来去。晚赴世中堂等之约，子初归。

十三日 未刻进署，庆邸亦到，酉刻归。

十四日 早进西苑门，外务部提署带引见。辰正后赴西城出分。未刻进署。晚约刘聚卿、黎玉屏、左子异、张伯讷、瑞鹤庄、裕玉【如】便酌，亥刻散。

十五日 早赴西苑门，两宫还宫站班。午刻赴枢廷五人之约。未刻世中堂处拜寿，到署。晚赴唐少川之约，子初归。

十六日 早得好雨。申刻进署，酉刻归。

十七日 午刻到三舅母处道喜。进署，戌初归。

十八日 卯刻到西苑，皇太后还海站班。辰刻到前门，皇上行常零礼站班。巳刻到胡云楣处出喜分。铁山三弟由上海乘火车来京，十二点钟到家。数年阔别，一旦相逢乐可知也。未刻进署，戌初归。

十七〔九〕日 辰刻率宝儿、五妞赴习艺所游览，毓月华、朱桂新留饮。申刻进署。晚访端公谈。

二十日 早到西苑，内阁奏事。到铁大人处道总理税务之喜，孚久甫处拜寿。申刻进署，酉刻归。上赏暑药五种，明日谢恩。

廿一日 早到西苑，外务部值日，提署奏事，在勤政殿面谢暑药赏。未刻进署。晚赴内田棠荫精舍之约，亥正归。

廿二日 早吉林补用道路槐卿来拜，号仙舫，人精明。又广东补用知府孙建中来拜门，恽薇孙介绍也。孙号治平，行一，四川重庆府长寿县人，年三十四岁，向来南洋各埠经商，人精明有用。未刻进署，酉刻归。继五爷移樽。

廿三日 早赴西直门，皇太后、皇上驻蹕颐和园站班，万寿寺



赏克食，到园赏果子饽饽四盒。申刻还，酉初到家。

廿四日 未刻进署，法顾署使、德葛署使来晤，酉正归。

廿五日 早拜客五家。未刻进署，义巴使来晤，酉正归。

廿六日 早提署奏事，注留署。花翎简放副都统崑源来拜门，李聘三、闫善长介绍也。崑年三十四岁，荆州驻防厢蓝蒙人，恩将军泽之第三子，现充马宫保营务处，少年好学，勇敢有为，可爱才也。未刻到车站与内田夫妇送行，法参赞顾瑞送行。申刻到署，酉刻归。

廿七日 早到法国医院与墨西哥署使阿拉密达送殡，巳正归。未刻进署，酉刻归。

廿八日 未刻进署。申刻到湖广馆癸丑科团拜，戌刻归。

廿九日 未刻赴义巴使之约。申刻到署，酉刻归。

#### 闰四月

初一日 早江西补用知府殷洪钧来拜门，殷号答渔，湖北武昌府江夏县人，年四十三岁，人老成，有吏才，户部郭集琛同年介绍也。又直隶补用道张文浚来拜门，号哲夫，河南济源县人，年三十余岁，前山东道台张上达之子，薇孙学士介绍也。袁子壮由上海来谈。未刻进署，酉正归。

初二日 早赴颐和园，外务部值日，提署奏事。巳刻到巴沟别业，约三、四弟便酌，内子、二妞、宝儿、五妞、二侄俱在坐。归还游觉生寺，酉正归。

初三日 未刻进署，酉刻归。

初四日 早分省试用道内阁中书张照来拜门，张号藜青，丁酉拔贡，直隶献县人，年三十四岁，人朴直明白，张哲夫介绍也。巳刻锡绍彭由奉天来晤。未刻进署，酉刻归。约三弟听马老八角鼓，吃张治菜，大、四女来，子正散。

初五日 申刻到东北城拜客。晚与胡芸楣、伦贝子、四弟约商部诸人在高庙晚酌，子正归。

初六日 未刻进署，英嘉署使来晤，戌初归。三弟今日由京

〔津〕浦铁路回南京矣。

初七日 未刻进署，日署使、俄使、英署使来晤，戌初归。

初八日 未刻进署，酉刻归。

初九日 未刻进署，法新到使臣巴博施来晤。酉刻访伦贝子，稍谈。今日交唐少川京足银五千两，转汇印度张憩伯<sup>①</sup>大臣购物之用。联大人在坐，面交少川合盛元票一张。

初十日 早赴内阁，同孙中堂拣选皇史宬守尉缺，午初归。申初到庆邸谈公事。申刻进署，酉刻归。

十一日 早端贵来。申初答拜法巴使。申初二刻进署，酉正归。

十二日 未刻出城拜客，乙酉科在湖广馆团拜，酉刻归。

十三日 卯刻到三女处看病。昨日三女产一女，未育，大病甚危。巳正访法使，午正归，与子东记问答发电。申正进署。晚同春卿、少川约奥、义两馆八人，亥正饭毕散。

十四日 未刻进署，英署使来晤，酉刻归。大风甚热。三姑奶奶于亥初病故，年甫二十一岁，可惨之至。

十五日 卯刻到三姑奶奶处痛哭一回，亦付之无可如何之数，辰正归。未刻进署，酉刻归。

十六日 辰刻到提署拣选官缺。未刻进署，酉刻归。

十七日 早法端贵来议事。浙江贡生谷昉，号伯昉，年四十岁，上虞县人，因恒利张君介绍来拜门，饱学之士，惟不达世情耳。又孙建中之弟，名鸿猷，号仲山，行二，年二十九岁，江苏补用知县，四川长寿县人，甚精明有用。又日本贵族院绅正多政以由阿部介绍来拜，横山矿师随来，款以酒点旋去。未刻进署，酉刻归。

十八日 早在家约刘博泉、张振卿、姜翰卿、李荫墀、刘子嘉、桂月亭、张少玉、连捷庵便饭。申刻进署，酉刻归。

<sup>①</sup> 张荫棠，字憩伯，广东新会人。光绪三十四年授外务部右参议，署外务部左部丞，曾任出使英、秘、墨、古方大臣。



十九日 辰刻到安定门校场阅左右翼枪队操演，巳正归。申正端贵来议事。

廿日 未刻进署，申正归。端贵来。晚约翁弢夫、恽孟、乐薇孙、沈子封、左子异、裕小彭、林梅贞便酌，亥刻散。今日蒙恩赏蓝色直径纱一匹，灰色麻地纱一匹，绛色直径纱一匹，石青实地纱一匹。

廿一日 卯初赴颐和园，提署奏事，谢赏纱料恩，在仁寿殿行礼，午正回。申初进署，德葛署使、义巴使、奥顾使来晤，酉正归。

廿二日 早袁子壮来谈。午后未出门。外务部值日，财政处奏事，均注留署。

廿三日 托病未见门，在斋看书甚乐。

廿四日 辰刻庆邸来谈南昌案事。巳刻到法馆议南昌案，一律了结。未刻进署。晚赴英嘉署使之约，同座有暹罗国王，亥刻归。

廿五日 早北城拜客。未刻进署，申正归。

廿六日 卯刻赴西直门站班，皇太后、皇上由园还海。巳正归署。大城县知县杨同高，号叙五，山西太谷，壬午举人，协成乾杨哲臣之兄也，以师生称。

廿七日 早前知府銜、河南候补直隶州知州宋敬熙，因李梅坡同年介绍来拜门。宋号荫卿，行二，直隶宁津县优增生，年三十四岁，其父在山东候补县，人笔下好，有阅历，可爱之才也。未刻进署，酉刻归。

廿八日 早端节进奉各色局纱十大卷、饽饽果品八大盒，蒙赏收。辰初到内阁看版，答拜峻昌。未刻进署，日、英、美三使来晤，酉正归。

廿九日 未刻进署，同少川、春卿与法巴使、端参赞、穆翻译签定江西南昌教案合同，申正签就。瞿中堂列銜而未到，酉刻散归。

三十日 卯刻到西苑门，皇上看版站班。到涛贝勒处拜寿。未刻进署，酉刻归。



## 五月

初一日 卯初赴地坛，皇上亲行致祭，巳正还海归。两祠上供行礼。申刻进署，酉刻归。

初二日 外务部值日，国史馆奏事。早进内，辰正归。申刻进署，酉刻归。

初三日 早荣伯衡之次子名志锃号建侯、江宁藩台继莲西、日本东京国民新闻总理德富苏峰来拜，法巴使来拜。申刻得雨，甚凉爽。

初四日 卯刻进内，法巴使在乾清宫觐见，呈递国书，巳初二刻礼成。时小雨，蒙上赏粽子四盒。未刻进署，酉初归。晚约佩珂、子年、鹤庄、裕如便酌，亥刻散。

初五日 早进西苑，勤政殿前叩谢赏粽子恩，今日又赏三盘。财政处奏事。未刻进署。酉刻答拜日本德富总理归。

初六日 早出城答拜庄臬台。未刻进署，酉刻归。雨。

初七日 早进内，提署会奏。未刻进署，酉刻归。雨。

初八日 早答拜继莲西、志老二建侯。未刻进署，日使来晤，酉正归。

初九日 卯刻赴西苑门，皇上诣太高殿谢降站班。内阁奏事。赴巴村别墅，请世博轩、联春卿、唐少川、朱子文、毓月华、松老大早晚饭，并照相。天半阴半晴，极凉爽，雨后山色照人，至交数人畅聚终日，信可乐也。酉正归。

初十日 未刻进署。酉刻到车站迎义国费亲王，答拜荫午楼、袁海观<sup>①</sup>归。

十一日 早西城拜客。未刻进署。酉刻义国费亲王到外务部来拜，戌初归。

十二日 早外务部值日。午初义国费亲王约饭，庆、醇王、伦贝子均到。申初进署，英使来晤，酉正归。

① 袁树勋，字海关，湖南湘阴人，山东巡抚，两广总督。